



# الحالة ج

عن قصص حقيقية

تأليف  
فايز رشوان

إخراج  
حسين شوكت

Date : 24-12-2016  
Draft : Final

حلقة 2

## ن/خ - شوارع الزمالك

عالية تفقد سيارتها بسرعه متنقلة من حاره الى حاره بين السيارات، ثم إلى داخل شوارع الزمالك الضيقة حتى تصل إلى عمارة معينه

قطع

## ن/خ - امام عمارة حازم بالزمالك

عاليه تنزل من سيارتها أمام عماره في الزمالك واقفه مع بواب العمارة النوبي البواب

ايوه صحيح ياست هانم هي دي عربيتنه

عاليه

في مأموريه ؟

البواب

حازم باشا سبب الداخلية خلاص بعد الحادثه اللي حصلت

عاليه

حادثه ايه ؟

يظهر شخص من بعيد يراقب الموقف

البواب

معرفش .. ايام اللبش اللي كان في البلد .. وقع على دماغه .. بعدها العسكري الخدمة اللي

معاة جاب العربية راكنها من يومها زي مانتي شافيه كده .. وقالى انه سبب الخدمة خلاص

عاليه

عاوز تفهمني انه غار ملت يعني ؟ هو اللي قالك تقولى كده .. صح ؟ انا حافظاه وحافظه

حركاته النص كوم .. بس دي بقي حركة محصلتش نص كوم ..

البواب

عيب ياست هانم .. انا لو مش عارفك واحدة بنت ناس واصول أو لامواخذة لقينتك

واحدة من بتوع الديسكو اللي يججوا يسألوا ع الباشا مكنتش وقفت معاك ولا تكلمت خالص خالص

تمشي ناحية سيارتها فتصطدم بشخص ما

عاليه

معلش انا اسفه قوي .. اعذرني ماخدتش بالي

ثروت

انا عارف انه بقي كويس وطلع من المستشفى من اسبوعين ...

باهتمام شديد

عاليه

وطلع منها علي فين ؟

ثروت

محدث عارف راح فين .. احنا كمان بندور عليه زيك .. بس لو عرفتني توصيلة قبلنا ..

بلغيه اننا عملنا اللي علينا ودفعنا اللي طلبه .. انما هو صدر الطارشة ومعملناش

الخدمة اللي كانت مطلوبه منه .. انا مش مسئول عن اللي يحصله .. انا يدوب

وسيط خير .. وهو عارف ان الناس اللي دفعت لحمها مر واسهل حاجه عندها القتل..

البلد مابقاش فيها خشا ولا حيا .. للاحكومة بقت تلم ولا نيايه بتهم .. لو مظهرش ورجع

اللي خده .. هجيبوه حتى لو في بطن الحوت .. ولو مجاش ادي ابوه واخته موجودين يشيلوه ذنبه بقى  
يمشي ثروت تاركا رد فعل علي وجه عالية

عاليه

ايه ده بقه ؟؟ هي البلد بقت كلها بلطجيه ؟

ثم يظهر علي وجه عاليه إنها تذكرت شيء ما فتسرع نحو سيارتها.

قطع

3

3

### ن/خ - فيلا حنين - الريسبيشن والمطبخ الامريكان

الفلا تدل علي مستوى مادي عالي ووجودها بحي راقي ؛ ويفتح المشهد علي حنين وهي تصنع كوبيين من القهوة  
American Coffee والشاي بلبن بالمطبخ بينما عاليه جالسة قلقة بالانترية وهي تهز قدمها في عصبية.

حنين

انتي عارفه اني مش بصحى خالص في الوقت ده .. فلأزم اخد واحد شاي ولبن

عشان اقدر استوعب اللي بتحكهولي ده .. واعتقد انك كمان بعد الليلة

المثيرة دي محتاجة معايا واحد نسكافية

بعصبيتها المعهودة مع حنين

عاليه

ياحنين انا مش جيا لك الساعة 7 الصبح عشان اتضايف .. من

فضلك تعالي اقعدني واسمعيني وهي تأتي من ناحية المطبخ بكوبيين

من القهوة لعاليه والشاي ولبن لها ، فتضعهما علي الترابيزة بينها وبين عاليه ثم تجلس

حنين

اسمع ايه تاني .. هوه فيه مهازل تانيه اكتشفيتها عنه وانا لسه معرفهاش

عاليه

كنت عارفة ومتأكدة انه قدر .. بس مكنتش متخيلة للدرجة دي .. ده سايب

مصيبة وراه في كل مكان ياحنين.. وماخفي كان اعظم .. وده خلاني اتأكد ان شكلي فيه

في محله .. محشش غيره له مصلحة في اللي حصل

حنين

مصلحة في ايه .. وليه ؟ ايه اللي كان بينكم يستدعي انه يكون عنده روح

الانتقام بالشكل ده .

عاليه

هوه اللي انا عملته فيه يومها شويه

حنين

انتي صحيح كنتي اوفر اوي معاه يومها .. بس برضه ماتوصلش للدرجة دي

عاليه

بس انا اعرف مكانه وساعتها اثبتلك ان شكلي في محله

حنين

طب ليه ماقولتيش الكلام ده لوكيل النيابة واتهمتيه اتهام رسمي ومباشر

عاليه

ابقي اديته فرصه يساوي اموره .. ويخفي جريمته .. وهيلقي الف

من يطرمخ معاه .. انا عاوزة افاجئة

حنين

بمناسبة تفاجئية وبمناسبة اللي عملتيه معاه يومها .. مايمكن يكون  
متدراي في نفس المكان اللي قفشتية فيه

واقفه بسرعة

عاليه

صح .. مش هلاقيه غير هناك فعلا

واقفه بدورها

حنين

يبقي رجلي علي رجلك .. لو سبتك تروحي لوحذك هتعملي معاه مصيبه  
وانتي كفاية عليكي مصايب اليومين دول لحد كده ، حاغير هدومي و أجي معاكي  
تأخذ حنين مج الشاي ولبن وتدخل لغرفتها..... عاليه تفكر فيما قالته حنين وتأخذ شنطتها و تجري للخارج  
..... تخرج حنين بملابس الخروج وتنتظر.

حنين

عاليه ..... عاليه ، إنتي روحتي فين

تنتظر الى مج قهوة وبخار الماء يخرج منه

حنين

ربنا يستر

## قطع

4

4

### ن/د - غرفة نوم حازم بإستراحة مزرعة العنب

حازم يفيق من نومه مفزوعا وهو يمسك برأسه ؛ تلمس يديه غطاء طبي لجرح بمؤخرة رأسه ؛ فيطمئن ويدرك  
انه كان كابوس ؛ فيجلس على سريره وهو يتنفس الصعداء.

موسيقى

## قطع

5

5

### ن/د - ليفينج الدور الثاني بإستراحة مزرعة العنب

مارا بالليفينج يلاحظ هاتفه المحمول وهو يرن (سايلانت)...رنين هاتفه المحمول...يتفحصة .. يجد على الشاشة  
مايقراً : ( بابا .. يتصل بك ) وهو يغلقه ثم يعيده لمكانه

حازم

ايه اللي مصحيك بدري كده يافؤش.. ببجيك كوايس زي انتة كمان ولا ايه .. قبل مالخد قهوتي

مأعرفش أبويااا يابويااا .. أظبط الحياة ونرغى بعدها زي مانتة علوز...

يتجه للمطبخ مارا ب .. صورة كبيرة معلقة على الحائط بها حازم بملابس تخرجه من كلية الشرطة بينما الرئيس  
السابق يقلده رتبة الملازم في حفل التخرج ؛ وبنفس الملابس نشاهد حازم بينما فؤاد(والده) يحيطه بذراعية  
وشقيقته الصغرى ايمان تقبله من خده ؛ والى جوارها صورة أخرى لحازم وهو بملابس وحدة انقاذ الرهائن حيث  
يمسك بمجرم شقى من رأسه بينما المجرم مقيد بالكلاشات داخل منزله العشوائي وحازم يمسك برشاش ألى  
يخص هذا المجرم ؛ الحائط ملئ بصور أخرى لحازم وهو يقفز الحواجز بالخيال \ وهو يتقدم بسباق سباحة \  
وهو يحمل بندقية رماية.. الخ .

## قطع

6

6

### ن/د - شرفة الدور الثاني بإستراحة مزرعة العنب

حازم يتناول قهوته وهو بشرفة الدور الثاني وهو ينظر بعيدا شاردا في الفراغ حيث لاشئ سوى اشجار العنب ومن خلفها الصحراء المترامية ....موسيقى . يشاهد سيارة عاليه متوقفه امام الاستراحة ولكنه لايتذكرها بالتأكد ويعتبرها سيارة الشخص الذي قدم لإنهاء حياته .. فتزعج ملامحه...القهوة تسقط من يده وهو يتراجع خطوة للخلف بعيدا عن الشرفة ثم يخرج مسدسه من خلف ظهره ثم يرفع زناد الامان عنه ويرفعه لاعلي في وضع الاستعداد

## قطع

7

7

### ن/د - فوتو مونتاج - اماكن متفرقة بإستراحة مزرعة العنب

يلاحظ أن يكون القطع حادا وسريعا بين لقطات هذا المشهد بما يوحي بإختصار الزمان والمكان....حازم ( وقد ارتدي ملابسه الآن ) شاهرا مسدسه امامه بطريقة بوليسية يتفقد غرف النوم بالدور العلوي ثم يهبط للدور الارضي فيتفقد المطبخ \ الليفينج \ غرفتي النوم \ الشرفة ..... موسيقى .

## قطع

8

8

### ن/خ - امام مزرعة العنب

حازم يفتح بلب المبنى بحرص ويخرج منه ....موسيقى ....يدور حول سيارة عالية وهو يحاول فتح ابوابها المغلقة بحرص الواحد تلو الآخر ؛ يهبط براسة لأسفل ليتفقد أسفل السيارة . .... يسمع تكة رفع زرار الامان بمسدس .

عاليه

من غير أي حركة تتذاكى بيها .. ممكن تكلفك حياتك ومش هتكلفني انا غير يدوب تكة ع الزناد ..

أرفع ايدك لفوق بشويش

يتسمر حازم مكانه للحظات محاولا استيعاب ما يحدث رابضا كالفهد الذي يستعد للانقضاض على فريسته .

عاليه

نفذ اللي بقولك عليه بسرعة.

ينفذ حازم ماقالت ببطء وهدوء أعصاب يليق بشخص خبير ومدرّب .

عاليه

ودلوقت ارفع راسك واقف و حط المسدس على سقف العربية

ينفذ حازم ماقالت له .. فيقف ويضع المسدس على سقف السيارة .

عاليه

اتحرك بعيد عن العربية ...

وهي تدفعه بقوة من ظهره حتى انه كاد يفقد توازنه ويسقط على وجهه ولكنه يتمالك نفسه ويثبت على بعد خطوات منها ومن السيارة .

عاليه

بقولك اتحر اااااااا ..

تاخذ المسدس من فوق سقف السيارة.. وترمي بها بعيدا وسط مزرعة العنب .... زاعقه نحوه وهي تدور حوله  
نصف دوره بحيث انه لايزال لم يرى وجهها و مازال محافظا على هدوءه الذي يستفزها للغاية  
عاليه

فشلاااا .. ما علمكوش غير الانزحة والتتيط ع الخلق والشيطنه وبس .. هيجتوا الناس  
بغبائكم وتصرفاتكم وضيعتوا البلد .. انما غير كده .. مالكوش فيه .. فشلاااا في كل حاجه..  
ماتقدروش حتى تحموا نفسكم.

يطاطئ رأسه وهو يطم شفتيه ويتهدد في ملل مما تقول ..... صارخه في هيسثيريا  
عاليه

انت مابتدش عليا ليه .. ماتتطق .. انطق

ممتعضا

حازم

مش لما اعرف بس الاول مين بيكلمني

عاليه

هنبدأها عبط بقي .. مش عارف صوتي يعني؟

حازم

هوه حضرتك بتغني ؟ صوتك مشهور وكده ؟

وهي تتجه لتقف امامه شاهره المسدس بوجهه

عاليه

انت اللى زيك خسارة معاه الكلام اصلا .. لانك ميت من زمان اساسا ومفيش من اللى زيك رجا ..  
انا لولا محتاجاك حي .. كان زماني فرغت المسدس ده في راسك اول ماعيني وقعت عليك .

بوجهه القاسي في انفعال حاد

حازم

بقولك ايه بقي .. انا ساكت لك مش عشان خايف من مسدس الميه اللى في ايديك ده ..

انا ساكت لك عشان ضيفه في بيتي .. انما لو طولتي لسانك بعد كده .. وديني

هقطعهملك واكله قدام عنكي للقطط .. بلاش تعيشي .. مش انا اللي يتعاش عليه يابت

عاليه بعينان يبرق منهما الشر تطلق رصاصة في الهواء لاعلى ثم تعيد تصويب المسدس نحو وجهه.... وهي  
تؤدي بشفتيها حركة ( طظ ) ثم تستطرد بجديّة.

عاليه

هعتبر الكلام الخايب اللى قولته ده اختبار اهل ونظري لاعصابي .. واديني جاوبتك عملى..

لو فيه اختبارات اعصاب تاني م اللى علمو هالك .. مش هتلق تستقبل الاجابه لانها

هتكون رصاصة بين عنيك دول .. انطق.. وديتها فين.

حازم

انتي بتتكلمي عن ايه يابنت انتي .. انتي ضاربته شريط ترمادول ولا ايه حكايتك ..

انتي متأكده اني اعرفك من اصله

عاليه

بص بقى يالا .. انا كده كده هقتلك اصلا .. فأحسن لك تبطل استعباط يمكن ساعتها اقتلك برحمه ..

قولى تمارا فين يا حازم.. مخبيها هنا ولا في حته تانيه .. مشكلتك كانت معايا انا .. ايه اللى دخل ابويا

واختي فى الموضوع .

## حازم

حازم !! ده انتي تعرفيني بقى فعلا .. طيب .. بصي يااا.. ولا مش مهم .. اسماء البشر دي كلها عبث اصلا..

انا عارف ان الخن ده ورد عليه نسوان وبنات كتير .. وممكن يكون ده عمل لى مشاكل معاكى او مع اختك او مع ابوكى .. فخلينا فى المهم دلوقت انا معنديش استعداد اعمل مشاكل مع حد ..

صباح الجمجمة الفاضيه والجثة المأنتخة .. تقدرى تقولى كده انى عامل دمااااغ ومش علوز اظيره ..

انا طلقت حريم العالم بالثلاثة خلاص .. فرمت قلبي وعملت لنون النسوة بلوك من بروفایل حياتي ..

بح .. هه ياموزه .. بح .. لا تمارا .. ولا سماره

يخرج من جيبه ورقات مالية فئة 200 جنية

## حازم

بصي بصي .. الى يتكسر يتصلح .. ويادار مادخلك شر

يضع ورقة خلف حبل حمالة صدرها

## حازم

دي عشان تمارا

تبرق عيني عاليه مذهولة..... يضع ورقة خلف الحماله الاخرى

## حازم

ودي عشانك .. يالا .. ها .. كده حباب

غضب عاليه يتزايد تدريجيا يضع ورقة ثالثة بين خصلات شعرها

## حازم

یوووه .. نسیت .. ودي عشان بابا کمان .. ولو انهم قالولی انی کنت بجیب هنا حریم وبس ..

بس اهو الاحتياط واجب عشان محدش يبقی زعلان مني خالص.. الدنيا فانيه ومش

مستاهله زعل . ها . حلیب یاقشطه

تطير الورقة المالىه من شعرها لتقع على الارض ..... وهو يهبط ليأتى بها

## حازم

## باين بابا حظه شويه

وهي تضربة بمؤخرة المسدس على مؤخرة راسه بشده

عاليه

اه یا حقیر یا واطی

صارخا من شدة الألم وهو يمسك برأسه ثم يدور حول نفسه اخذا وضع الجنين وهو واقف بينما تدور الكاميرا

دوره عکسیه مع استمرار صراخه.

## حازم

أه .. أه .. أه ه ه ه ه ه ه ه ها ا ا ا ا ا ا ا

وهي مرعوبه من حركات جسده الذى ينتفض امامها وكأنه يتلقى شحنة كهربائية مع كل فلاشة يتذكرها مستمرا

في صراخه الذي يستغيث به من ألم شديد يعتصر رأسه.

عاليه

انته فكرك شغل البهلونات ده هيخيل عليا ولا ايه .. بطل اللي بتعمله ده ..

بقولك بطل .. انتااااا يا زفت ... انتااااا بتعمل ابيـــه

يقف تدريجيا بينما الغضب يتطاير من عينيه ويتجه نحوها فتأخذ خطوة حذرة للخلف يبدأ في صفعها بيديه

الاثنين على وجهها فيسقط المسدس منها بينما تتراجع للخلف حتى تسند ظهرها على السيارة ؛ يذهب

ليأتى بالمسدس الذي سقط منها ويبدو أنه في غير وعيه. صراخ عالية متداخلا مع صراخ الفتاة من

الفلاشات....تنتهز الفرصة وتحاول فتح أبواب السيارة ولكن دون جدوى فتبحث في جيوبها عن المفتاح فتجده وتخرجه فيقع منها لسرعتها وكنوها تنظر لحازم الذي يجري لجلب مسدسه، فتجري ناحية سيارة فؤاد القديمة المركونه في الحديقة وتفتح أبوابها وتدخل بداخلها . وقد تحول وجهة للشراسة التامة فيمسك بالمسدس ويطلق الرصاص نحو السيارة فيكسر زجاج النوافذ بينما هي بالدواسة تصرخ عن آخرها عل أحد ما ينقذها.

## قطع

9

9

### ن/خ - امام مزرعة العنب

حازم يفتح باب المبنى بحرص ويخرج منه ....موسيقى ....يدور حول سيارة عالية وهو يحاول فتح ابوابها المغلقة بحرص الواحد تلو الآخر ؛ يهبط براسة لأسفل ليتفقد أسفل السيارة ..... يسمع تكة رفع زرار الامان بمسدس.

عاليه

من غير أي حركة تنذاكي بيها .. ممكن تكلفك حياتك ومش هتكلفني انا غير يدوب تكة ع الزناد ..

أرفع ايدك لفوق بشویش

يتسمر حازم مكانه للحظات محاولا استيعاب ما يحدث رابضا كالفهد الذي يستعد للإنقضاض على فريسته .

عاليه

نفذ اللي بقولك عليه بسرعة.

ينفذ حازم ماقات ببطء وهدوء أعصاب يليق بشخص خبير ومدرّب .

عاليه

ودلوقت ارفع راسك واقف و حط المسدس على سقف العربية

ينفذ حازم ماقات له .. فيقف ويضع المسدس على سقف السيارة .

عاليه

اتحرك بعيد عن العربية ...

وهي تدفعه بقوة من ظهره حتى انه كاد يفقد توازنه ويسقط على وجهه ولكنه يتمالك نفسه ويثبت على بعد خطوات منها ومن السيارة .

عاليه

بقولك اتحرر اااااااا ..

تاخذ المسدس من فوق سقف السيارة.. وترمي بها بعيدا وسط مزرعة العنب ..... زاعقه نحوه وهي تدور حوله نصف دوره بحيث انه لايزال لم يرى وجهها و مازال محافظا على هدوئه الذي يستفزها للغاية

عاليه

فشلااااا .. ما علمكوش غير الانزحة والتنطيط ع الخلق والشيطنة وبس .. هيجتوا الناس

بغبائكم وتصرفاتكم وضيعتوا البلد .. انما غير كده .. مالكوش فيه .. فشلاااا في كل حاجه..

ماتقدروش حتى تحموا نفسكم.

يطاطئ رأسه وهو يطم شفتيه ويتنهد في ملل مما تقول ..... صارخه في هيسيتيريا

عاليه

انته مابتريش عليا ليه .. ماتتطق .. انطق

ممتعضا

حازم



مش لما اعرف بس الاول مين بيكلمنى  
عاليه  
هنبدأها عبط بقي .. مش عارف صوتي يعني؟  
حازم  
هوه حضرتك بتعني ؟ صوتك مشهور وكده ؟

وهي تتجه لتقف امامه شاهره المسدس بوجهه

عاليه  
انتہ اللي زيک خسارۃ معاه الكلام اصلا .. لانك ميت من زمان اساسا ومفیش من اللي زيک رجا ..  
انا لولا محتاجاك حي .. كان زمانى فرغت المسدس ده فى راسك اول ماعينى وقعت عليك .

بوجهه القاسى فى انفعال حاد

حازم  
بقولك ايه بقي .. انا ساكت لك مش عشان خايف من مسدس الميه اللي فى ايدك ده ..  
انا ساكت لك عشان ضيفه فى بيتي .. انما لو طولتى لسانك بعد كده .. وديني  
هقطعهمولك واكله قدام عنيكى للقطط .. بلاش تعيشي .. مش انا اللي يتعاش عليه يابت  
عاليه بعينان بيرق منهما الشر تطلق رصاصة فى الهواء لاعلى ثم تعيد تصويب المسدس نحو وجهه.... وهي  
تؤدي بشفتيها حركة ( طظ ) ثم تستطرد بجديۃ.

عاليه  
هعتبر الكلام الخايب اللي قولته ده اختبار اهل ونظري لاعصابي .. واديني جاوبتك عملى..  
لو فيه اختبارات اعصاب تاني م اللي علموهاك .. مش هتلق تستقبل الاجابه لانها  
هتكون رصاصة بين عنيك دول .. انطق.. وديتها فين.

حازم  
انتى بتتكلمي عن ايه يابنت انتى .. انتى ضاربہ شريط ترمادول ولا ايه حكايتك ..  
انتى متأكده انى اعرفك من اصله  
عاليه

بص بقى يالا .. انا كده كده هقتلك اصلا .. فأحسن لك تبطل استعباط يمكن ساعتها اقتلك برحمه ..  
قولى تمارا فين يا حازم.. مخبيها هنا ولا فى حتة تانيه .. مشكلتك كانت معايا انا .. ايه اللي دخل ابويا  
واختى فى الموضوع .

حازم  
حازم !! ده انتى تعرفيني بقى فعلا .. طيب .. بصي يااا.. ولا مش مهم .. اسماء البشر دي كلها عبث اصلا..  
انا عارف ان الخن ده ورد عليه نسوان وبنات كتير .. وممكن يكون ده عمل لى مشاكل معاكي  
او مع اختك او مع ابوكي .. فخلينا فى المهم دلوقت انا معنديش استعداد اعمل مشاكل مع حد ..  
صباح الجمجمة الفاضيه والجثة المأنتخة .. تقدرى تقولى كده انى عامل دمااااغ ومش عاوز اظيره ..  
انا طلقت حريم العالم بالتلاته خلاص .. فرمت قلبي وعملت لنون النسوة بلوك من بروفایل حياتي ..  
بح .. هه ياموزه .. بح .. لا تمارا .. ولا سماره  
يخرج من جيبه ورقت مالية فئة 200 جنية

حازم  
بصي بصي .. اللي يتكسر يتصلح .. ويادار مادخلك شر  
يضع ورقة خلف حبل حمالة صدرها

سيارة فؤاد تسير بأقصى سرعتها مثيرة خلفها الكثير من الغبار الرملي على طريق رملي غير ممهد يؤدي بنهايته لبوابة الإستراحة والمزرعة والتي تبدو لنا على بعد كيلو متر تقريبا ..... صوت اطلاق الرصاص قادم من ناحية استراحة المزرعة .....فؤاد ( خمسيني ؛ صاحب أتيليه والد حازم) يقود السيارة والى جواره بالمقعد الامامي



ايمان تصعق عندما تلاحظ الدم على يد حازم بعد ان تحسس اصابته  
ايمان  
ايه ده .. الجرح نزف من ايه  
مهونا من الامر حتى لايقلقها

حازم  
م اللي كانت خطيبيتي  
فؤاد يلاحظ ان عاليه حيه وهي تزوم بشفقتها وكأنها تفيق من غيوبه...  
فؤاد  
الحمد لله .. جت سليمه .. الحمد لله .. انتي بخير يابنتي؟  
تتظر له عاليه بدهشه .. تجلس على المقعد .. تشاهد حازم وايمان بجوار السيارة .. تزيل قطع الزجاج الصغيرة  
من على ملابسها ومن فوق شعرها  
فؤاد  
ماهو لو كنتي كلفتي نفسك وعديتي علينا في البيت .. كنت انا او ايمان فهمناكي الـ ..  
وهي تدفع فؤاد بيدها وتخرج من السيارة صارخة في هيسستيريا  
عاليه

تفهمني ايه ؟ ابنك خطف اختي وضرب ابويا بالرصاص وكان هيقتلني من دقائق  
وهي تتجه نحو حازم لتتال منه فيمسك بها فؤاد من ذراعها .. بينما حازم ينظر لها بعمق وكأنه يحاول تذكرها .  
فؤاد  
يابنتي بلاش غلط واهدي .. واضح ان فيه لبس في الموضوع .. انتي ماتعرفيش ايه اللي جرى  
لحازم عشان تيجي تتهميه بخطف او قتل .. حازم حصلت له حادثه وفقد الذاكرة ..  
فلازم تعذريه لانه هوه ميعرفكيش دلوقت  
مع كلمة فؤاد الاخيرة تنسمر مكانها وتبادل حازم نفس نظرتة العميقه .....موسيقى.....عاليه تحاول قراءة  
الحقيقه من عيني ايمان وفؤاد حيث يدرك الاخير تساؤلها فيhez رأسه لها بالإيجاب .. بينما حازم يشيح بنظره  
عنها.....صمت تام.

## قطع

## ن/د - غرفة نوم حازم بالدور الثاني لإستراحة مزرعة العنب

ايمان تقوم بوضع غيار طبي جديد على موضوع الجرح بمؤخرة رأس حازم .

حازم

هوه ده العادي بتاعها ؟

ايمان

من يومها كده و اكثر من كده كمان .. امال احنا جينا على ملى وشنا ليه لما عرفنا انها جياالك

حازم

طب وانا ازاي كنت مرتبط بواحد كده

ايمان

مراية الحب بقى

حازم

ودي تتحب منين دي ؟ اقصد يعني تتحب ازاي اصلا.. شكلها حاجه ..

ولسانها حاجه تانيه خالص؟!

ايمان

المظاهر خدعتك .. ماشوفتش فيها غير البنات الامورة خريجة الجامعة الامريكيه بنت اشهر دكتور في

مصر...و...

حازم

وهي شافت فيا ايه ؟

ايمان

كان كفايه عليها بدلتك يا باشا .. مكنتش مصدقة نفسها هي وابوها ان حازم بيه نور الدين اشطر ظابط في الجهاز عاوز يخطبها .. اسمك لوحده كان يساوي فلوس ابوها كلها .

حازم

المال بيحتاج سلطه تحميه.

ايمان

والحب بيحتاج صدق عشان يستمر .. لما راحت هيبه البدة بعد الثورة .. وقعت الاقنعة وانكشفت النوايا .. فكان صعب تكملوا مع بعض .. علي اهنون سبب .. وضاع الحب ياولدي .

علي حازم شاردا محاولا التذكر.

قطع

### ن/خ - بوابة إستراحة مزرعة العنب

فؤاد يضع العجلة الاستناب الفارغة بحقيبة السيارة ويغلقها بينما عاليه تقف بالجوار وهي تضرب العجلة الجديده  
بقدمها بضربات عصبية فيها تفريغ لشحنة غضبها وتوترها .

فؤاد

الحمد لله انها جت على قد اللي حصل ده يابنتي.. انا هبعثلك ان شاء الله  
بكره ولد من عندي من الأتيليه ياخذ العربية للتوكيل .. وانا متكفل بكل  
المصاريف .. ولو حابه اجيب لك عربية تانيه موديل السنة دي .. انا قدها..  
المهم تقبلي اسفي ع اللي حصل ..

متجاهله كلامه فتسأله فيما تفكر فيه

عاليه

هي ايه الحادثة اللي حصلت لحازم يااونكل .. وبسببها فقد الذاكرة

متلجلجا

فؤاد

ايام الثورة .. اثناء ما المتظاهرين اقتحموا مبنى الجهاز.. ولعوا في المبنى وهو  
كان جواه بيدافع عن شرف بدلته .. الحريق حاصره .. فمكتش قدامه غير انه ينط  
من الدور الرابع .. وقع على دماغه وحصل اللي حصل .

ابتسامه ساخرة على وجه عاليه

عاليه

قضاء وقدر يعني

وهو يناولها المسدس

فؤاد

اتمني اسمع اخبار كويسه عن دزايد لما اجي اطمن عليه في المستشفى وتكون  
اختك تمارا رجعت بيتها بالسلامة .. احنا صحيح مكش لنا نصيب في بعض ..  
لكن احنا صعايده وولاد بلد ونعرف معنى ايه الاصول و حق العيش والملح ....  
وعمرنا مانخونه ابدًا

عاليه

بس ليه حازم ماکملش علاجه في أي المستشفى .. ليه سايبينه في المنفى ده

وهو يهز كتفيه ويمط شفتيه

فؤاد

نقاهه ..

عاليه

مش عارفه ليه حساه هروووووب .. اللي زي حازم عنده حاجات كتير

تستحقه يهرب منها ..

ولو هو نساها .. هي مش هتسأه

يعقد فؤاد ما بين حاجبيه مندهشا ..... تركب عاليه سيارتها وتتطلق مسرعة من البوابة بينما فؤاد يراقبها وبذهنه  
يدور الكثير والكثير من الشكوك كرد فعل لجملتها الاخيرة .....نحو حازم وايمان بيلكون الدور الثاني  
للاستراحه

قطع

### ن/خ - بلكونة الدور الثانى بإستراحة مزرعة العنب

واقفان بالبلكون يراقبان سيارة عاليه تبتلعها الصحراء بينما فؤاد يشعل سيجاره ليبدخنها قرب البوابه وهو يراقب ابتعاد السيارة شاردا .

إيمان

اول ما البواب بتاع عمارة الزمالك اتصل بابا وقاله انها بتسأل عليك بالباح ..  
نبهت بابا انها هتجيك على هنا عشان عارفه انها جت معاك هنا كام مره ايام  
خطوبتكم.. فبابا اتصل بيك يحذرك لكن يظهر انك كنت لسه نايم ففقلت التليفون ..  
فجينا على ملى وشنا عشان نلحق اي مصيبه ممكن تحصل .. وظننا كان في محله ..  
الحمد لله اللي جت علي اد كده ؟!

حازم

الى مضايقتي هوه ليه بابا يقولها عن حكاية فقد الذاكرة..مكنش فيه حاجه تضطره يتكلم  
معاهها في الموضوع ده بكل التفاصيل دي..هي مش جايه تحقق معنا يعني.. دي كانت  
المفروض تتعاقب اصلا انها اقتحمت حرمة بيوت الناس كده وتشك فيا اني مجرم وبتاع  
قتل وخطف والكلام الفارغ ده ؟!

إيمان

مش كان لازم بيرر لها اللي انتة عملته .. انتة كنت هتقتلها يا حازم .. انتة مش واخذ بالك  
م اللي حصل ولا ايه ؟

حازم

وهو مين بيرر لي انا اللي عملته هي قبل انتوا ماتيجوا .. شتيمه وقلة ادب وطوله لسان ..  
وترفع المسدس في وشي .. وانا ماسك اعصابي ع الاخر عشان اسايها و اعرف هي مين ولا  
عاوزه ايه .. لحد ما انفجرت بقى م الغيظ لما ضربتني على راسي فيمكان الجرح فمحسستش  
بنفسي انا بعمل ايه

إيمان

راعي حالتها النفسية برضه يا حازم.. اختها مخطوفه وابوها في غيبوبه .. دا من امبارح  
و مصر كلها بتتكلم ع الحادثه دي.

حازم يتجاهل الاهتمام بسماع الامر منشغلا بالالم بموضع الاصابة برأسه.

قطع

### ن/خ - حديقة قصر الهياتمي

واقفه بالحديقة بجوار سيارتها وامامها يقف وجدي وهو يبكي

وجدي

انا اسف جدا يادكتورة عاليه ..

عاليه

طول فترة شغلك معنا مقدرناش نمسك عليك غلظه واحده .. ازاي ده يحصل وانته  
كنت موجود .. ازاي

وجدي  
ياقندم أأ  
عاليه  
اكيد انا مش محتاجه اسمع تبريرات تاني ياوجدي  
وجدي  
وانا اكيد مش هاتحمل اتهامي بالتقصير اكثر من كده ياقندم ..  
عاليه  
قصدك ايه؟

وهو يسلم لها عدد من المفاتيح

وجدي  
دي كل المفاتيح اللي معايا يا عاليه هاتم .. وانا هابلغ شوكت بيه بيعت حد  
بدالي يكمل الشغل بدالي  
عاليه  
بالبسطة دي ؟ انتة كده كأنك بتقول انك ليك يد اصلا في اللي حصل  
وجدي  
حتي لو هاتوجهيلي الاتهام اني متواطئ مع المجرمين .. اهون عليا مليون مره  
من اتهامي بالتقصير .. انا فعلا مش هاقدر اكمل .. ولو عاوزة تتهميني بحاجه  
عندك النيابة موجوده .. واكيد شوكت بيه هيلقي الاكفاء مني مليون مره عشان  
يكمل مكاني

### قطع

16

16

ن/د - منزل سامي - الباب + الصاله  
جرس يرن ، بينما سامي مشغول غداء متأخر .. يتجه لفتح الباب .. شهيرة ٦٠ سنه يفتح الباب ليجد  
والدته... مبتسما

سامي  
ايه المفاجأة الحلوة دي ؟  
شهيرة  
جيت في وقت مش مناسب ولايه  
سامي  
اكيد تشرفي في أي وقت ياماما .. ده كلام .. هي تليفونات فين؟  
شهيرة  
لاماتتعبش نفسك .. جيت من غير اتصال .. امال كانت هاتبقي مفاجأة ازاي  
متجها للمطبخ

سامي  
هانتغدي مع بعض بقا .. انتي اكيد بتتقي في طبيخي

بقلق الام

شهيره  
معقوله لحد دلوقت ماتغدتش؟ لدلوقت ياسامي .. لدلوقت  
سامي



انتي عارفه شغلي مالوش مواعيد  
شهيره  
ماهو ده اللي بحيت صوتي معاك عشانہ .. لو فيه زوجه او ولاد في البيت كنت تبقي مجبر تاكل  
بمواعيد ونظام ..  
سامي  
مش هاحطلك ملح كتير عشان الضغط  
شهيره  
طب بلاش الموضوع اللي بيضايقك كلامي فيه .. طب كنت اجي اقعد معاك بدل  
مانته عايش لوحديك او تعالي انتہ اقعد معايا بدل مانا عايشه لوحدي  
سامي  
كاتشب .. ولا بلاش عشان السكر .. صح ؟  
شهيره  
تفتكر هاصهين واسكت لما تراو غني كده  
وهو ينقل اطباق الطعام للمنضده  
سامي  
مقدرش اراوغ حضرتك طبعاً ياامي .. بس أي حاجه هاقولها مش هاتبقي مش  
جديده لاننا اتكلمنا في الموضوع ده قبل كده عشرات المرات  
شهيره  
كويس انك واخذ بالك انك مابتسمعش كلامي  
سامي  
اللي هيرضيكي اكثر من اني اسمع كلام حضرتك انك تشوفيني مبسوط  
شهيره  
وانته مبسوط بحياتك دي ياسامي؟  
سامي ينظر لها ثم يبعد عينه من عليها

### قطع

17

### ن/خ نادي رياضي – كافيتيريا

عاليه جالسہ مع شوكت عقل ( 70 عاما ، يبدو بحالہ صحیہ غير جيده ومع ذلك يدخن السيجار).

شوكت

لا ماتلقيش .. هراضيه بكلمتين .. ويكمل الشغل عادي.. وجدي من اكفاء ولادي

بس هوہ اصل اللي حصل كان مباغت و مترتب له كويس اوي ومكتش حد يقدر

يعمل اكثر من اللي الولد عمله

عاليه

أونكل شوكت انت عارف اني مش بس بثق في خبرتك الامنيه انا كمان بعتربك اقرب

حد ليا في الدنيا دي بعد بابا لانك اقرب اصدقائه

شوكت

طبعاً يا عاليه .. لو الولد ده انا شاكك لحظة انه مايضحيش بحياته عشان

يفدي زايد الهياتمي وبناته مكنتش شغلته معاكم.. ومتنسش ان سعيد السواق

اللي مات وهو بياخذ رصاصة بين عنية بدل والدك ده برضه من شركتي .. اوعي

تتصورني اني مش متابع الموضوع تفصيله تفصيله ومهموم بيه زيك واكثر منك

17

عاليه

ماهو بخبرتك وبمتابعتك للموضوع وتيجى بعدها توصف اللي حصل انه كان  
مترتب كويس فده معناه كبير اوي  
شوكت

هوه صحيح السن له احكامه لكن انا لسه بعقلي وحريص علي الفاظي تكون  
دقيقه .. صحيح اللي حصل كان مترتب .. لكن مش شرط ان يكون الترتيب كان  
يشمل انهم ياخدوا تمارا .. ممكن يكون الجزء ده ارتجالي .. زايد الهياتمي معندوش  
عداوة مع حد تخليه ينتقم منه بالشكل الفج ده .. واسم زايد الهياتمي ميخلش  
حد عنده الجراءة يلعب معاه اللعب السخيف ده

عاليه

حتي حازم نور الدين خطيبي السابق شوكت اكيد عرفتي باللي حصله ؟ عاليه  
يعني الكلام مضبوط ؟

شوكت

أنا استقصيت من ولادي في الجهاز عن اللي حصله بالظبط .. هوه اتعرض فعلا لحادث  
غامض من كام شهر ..

عاليه

عندك فكره عن تفاصيل الحادث ده ؟

شوكت

بيقال انه كان فيه حريق في مكتب قيادة امنية كبيرة جوه الجهاز يوم اقتحام المتظاهرين  
للمبنى ويظهر النار حاصرته فظ من شباك الدور الرابع ومن حسن حظه انه وقع فوق سقف  
عربيه كانت واقفه بالصدفه تحت الشباك فعاش لكن حصله فقد جزئي بالذاكرة نتيجة الحادث  
وطبعا ساب الخدمة نتيجة عدم اللياقة الطبية ومن يومها محدش يعرف هوه راح فين .. اختفى  
نهائيا .. لكن انتي شاغله بالك بيه الواد ده ليه؟ خصوصا في ظروفك دي .. انتي شاكه فيه  
يكون ورا اللي حصل؟

عاليه

انت شايف ايه ؟

شوكت

حازم واحد من تلامذتي .. لحقتي في الجهاز كام سنة قبل ماخرج معاش .. صحيح هوه  
طول عمره شخص شرس وبلاويه كتير جدا بره الشغل .. انما معتقدش انه هوه اللي عملها  
ولا حتى يكون ورا اللي عملها

عاليه

ليه مش هوه ؟

شوكت

حد بمواصفات حازم نور الدين وتاريخه الاسود يخلينا نتوقع ان يكون ورا اي مصيبه .. انما ليه  
بقولك مش هوه لأنه مطارد .. تاريخه الاسود هيفضل وراه ومش هيسيبه .. وعشان كده هوه  
اختفى .. اللي كانوا بيدوله الاوامر ويحموه .. موجودين في طره دلوقت .. ويمكن يكونوا هما  
اللي يصفوه لانه صندوق اسود لكل اللي عملوه .. الموضوع معقد قوي بالنسبه له .. دي مش  
ظروف حد يفكر في الانتقام من واحده لمجرد انها فسخت خطوبتها بيه.... ده حد بيحاول ينجي

بحياته .. حازم قامت قيامته خلاص .. وحياته مسألة وقت .. بس هما يعرفوا يوصلوله وانتي هاتسمعي عنه العجب .. انما انتي قدرتي توصيله ازاي يابنت ياخلبوصه انتي ؟  
قطع

18

18

### ن/د - منزل سامي - الصال

سامي وشهيرة يتناولان الطعام بينما يتبادلان اطراف الحديث

سامي

طبعاً مش هكذب واقول مبسوط بحياتي ياماما.. لكن ع الاقل اقدر اقول بثقه .. مرتاح

محتده

شهيرة

ايه الراحه يعني ياسامي في عيشة العازب دي .. 90 في الميه من يومك بره البيت في شغلك .. مفيش حد يابني بيعمل اللي انتة بتعمله ده

محاولا تخفيف حده الحوار

سامي

يمكن عشان مفيش حد بيحب شغله زيي يا ماما

شهيرة

مش معقوله تكون بتحب شغلك اكثر من نفسك .. انتة اللي بتعمله ده ضد نفسك ..

سامي

حضرتك أأ

مقاطعه

شهيرة

سيبك مني انا .. انا لسه بصحتي والحمد لله واقدر اعيش لوحدي .. وفعلنا معاك حق انا ميهمنيش غير انبساطك .. بس ايه يبسطك اكثر من اناك تدخل بيتك تلاقي زوجة وابن في انتظارك

سامي

انا مش مضرب عن الجواز ياماما

شهيرة

لولا اناي اعرف الاسباب الحقيقية لعدم توفيقك مرتين في الجواز .. كنت قلت ان السبب هو اهتمامك بشغلك اكثر من اللازم

سامي

الجواز ده نصيب ياماما .. وقت ماهيجي النصيب .. انا نفسي مش هاقدر اقف ضده

شهيرة

مفيش امارات تخليني اصدق ده .. انتة عنيد .. من وانتة طفل وانتة عنيد ياسامي .. مابتعملش غير اللي انتة شايفه صح وبس .. مش النصيب اللي بتتكلم عنه ده بعد مارجعت من امريكا اهداك فرصه العمر اناك تشتغل في السلك الدبلوماسي ورفضت واختارت النيايه

سامي

ياماما مش لازم عشان جدي عصمت باشا كان وزير خارجيه في عهد الملكيه ومش لازم عشان والذي كان سفير مصر في الامم المتحده اناي اطلع برضه سفير .. مش شرط .. وبعدين ماخواتي البنات الاتنين متجوزين سفرا وعاششين معاهم برا مصر .. كنتي عاوزاني ابقى سفير انا كمان واسيبك لوحذك يعني

شهيرة

طب مانتة برضه سايني عايشه لوحدي اهو

سامي

عشان اثبتلك بس اني مش عنيد ولا حاجة قوليلي ايه يرضيكي وانا اعمله ياماما .. وفورا

شهيرة

بص في عيني ياسمسم

سامي ينظر في عينيها مبتسما ، بينما ابتسامه سامي تختفي تدريجيا مع جملتها ويظهر في عينيها حزن دفين وعميق.

شهيرة

لو مفهمتكش من عنيك مابقاش امك .. وعنك بتقول انك مش راضي .. ازاي عاوزني ا بقي راضيه .

قطع

19

19

ل / د - هول قصر الهياتمي

عاليه جالسة علي احد الصالونات والي جوارها تجلس حنين .  
غاضبة

عاليه

واحد عمره مارحم حد ولا قلبه يعرف معنى الرحمة من اصله .. ليه يترحم دلوقت وينسى ماضيه الاسود .

حنين

حكمة ربنا

عالية

ايه حكمة ربنا في ده بس .. ليه ماتسبش ماضية المهيب ده يطارده ويتعذب بيه بقيه حياته .  
بعصبية شديدة

حنين

انتي هاتكفري ولا ايه يابنتي

مستدركة

عاليه

استغفر الله العظيم ..

تنظر بتلقائية نحو صورة فوتوغرافيه بالجوار يظهر فيها والدها زايد وهو يحتضنها هي وشقيقتها  
تمارا تغالبها الدموع رغم مقاومتها الشديده لعدم نزولها

عاليه

حسبي الله ونعم الوكيل.

قطع

20

20

## ل/د - غرفة حازم بمزرعة العنب - الليفينج بالدور الثاني بمزرعة العنب

فلاش : حازم يضرب بنت في الززانه بالقم فتقع وهي تصرخ  
فلاش : رجل كبير في السن ووجهه ملئ بالدم باكيا ، حازم ممسكا بقميصه ويده ملطخه بالدم.  
فلاش : عماد ( دون ظهور ملامحة ) واقف عريان ممدود اليدين والرجلين وحازم يلف زرار فتتم  
كهربته حتي يخرج الدخان من الاسلاك و يطفئ نور المشهد.

حازم يفيق من نومة مفزوعا وهو يتحسس جسده وكأن الكهرباء تسري في جسده ينتبه انه مستيقظا .. يشعر انه  
لا يستطيع التنفس.. يتجه للشباك .. يزيح الستارة ويفتح الزجاج .. ينظر للسماء .. تلمع عينية بالدموع.... يعصبيه

حازم

ليه ماوقفنتيش عن اللي كنت بعمله .. ليه مايعتليش اللي يفوقني ويبعدني عن السكه دي ..  
حتي ولو اشاره .. اشاره وكنت هفهم ..

هامسا وكأنه يعاتب حبيبه

حازم

ولا انتة بعت بدل الاشاره مليون اشاره وانا كنت اعمي القلب واصم العقل؟

صارخا وكأنه يتحدى عدوه

حازم

زي مانتة باعلى دلوقتي اللي يفكرني بماضيا من تاني بيقى فكرني بكله بقى .. فكرني باللي رمانى  
م الشباك وكان عاوز يقتلني .. او حتى فكرني بالبنت اللي كانت معايا عشان اوصلها واعرف  
منها مين هوه.. انما ماتفكرنيش بذنوبي وبس .. انا كده بموت بالبطئ وهو يخرج مسرعا من الغرفة.

حازم

اللي زبي مالوش حل غير الموت وبس ..

حازم يخرج للفينج والكاميرا تتبعة فيقوم بتحطيم صورة وشهادات تقدير المعلقة علي الحائط فيحطم كل شئ وهو  
في حالة هستيرية ويدوس الحطام بقدمه ويصق عليه .

حازم

انا هموت حازم باشا نور الدين ده للابد.. مش عاوز افكره ولا افكر عمايله السوده

.. مش عاوز افكر حاجه .. ارحمني وخليني ناسي كل حاجه

تخرج ايمان من غرفتها ويخرج فؤاد من غرفته وهما مستيقظان لتوهما على صوت حازم الصارخ فيمسك والده  
به من الخلف بينما حازم يفلت منه كالثور الهائج ويواصل تحطيم صورة

فؤاد

بس يا حازم .. بس مش كده .. اهدي يا حازم

ايمان تقف في طريقة فيجرح يدها بزجاج احد الصور.

ايمان

أه أه أه

عندما يشاهد الدم يعود لرشده فقط بتلك اللحظة فيسقط من يده صورته مع الرئيس الاسبق على الارض لتتحطم  
تلقائيا

بعرض بطئ.

قطع

## ن/خ - ممر ترابي بين شجيرات العنب بالمرعة الصحراوية

حازم وفؤاد سائران على الممر الترابي بين شجيرات العنب وهما يتبادلان الحوار .  
فؤاد

مكنتش موافق م الاول انك تبقي ظابط .. لكن خدتك على هواك وسبتك تقدم ورقك لكلية الشرطة رغم انك كان ممكن تدخل جامعة امريكية ... مكنتش ينفع وحيدى .. عصايتي اللي هارفعها في وش عدوي وهتعكر عليها لو يميل عليا الزمن .. اسبيه يعيش بقية عمره شايل روحه على كفه .. لكن راح عن بالي انك قبلها بسنه كنت واخذ بطولة الجمهوريه في الجودو .. فقبلوك واتخرجت م الكلية الاول على دفعتك .. انتة زي ماتكون اتخلقت عشان تبقي ظابط .. في اقل من 10 سنين .. انتقلت من ملازم امن مركزي .. للمباحث .. لمكافحة المخدرات .. ومع ترقية الرائد دخلت جهاز أمن الدولة.

ساخرا .

حازم

بس ده بقى مادخلتوش عشان بطولة الجمهورية في الجودو برضه!

فؤاد

لا .. ده كان يلزمة مؤهلات تانيه خالص .. اهمها انك تحمي نظاما وانتة فاهم انك بتحمي وطن.

مفصحا عما بداخله من انفعال في لحظة تطهير نادره .

حازم

وعشان احمي نظام .. كنت بعمل ايه .. طمن قلبي .. انا مش عارف انام من ساعة ماشوفت في عين البنات اللي كانت هنا نظرة كره غريبه ليا .. كانت بتقولى بيها انتة حيوان .. هوه انا كنت حيوان فعلا .. قولى .. هوه انا كنت ايه ؟

منفعلا كرد فعل على انفعاله .

فؤاد

كنتوا النظام .. كنتوا كل حاجه في البلد .. كنتوا البلد نفسها .. عشم الدور .. وادنتوه على اكمل وجه .. لدرجة انكم مكنتوش بتسمعوا دعوه مظلوم .. ولا حتى نصيحة أب .. بلهجة ابوة حانيه

فؤاد

فكان اللي كان يابني

وهو لايقدر على السير فيقف ويبدو مترنحا .. فيسنده والده .. فيدفن حازم رأسه بصدر والده ويبيكي كطفل صغير.

حازم

انا تعبان .. تعبان قوي يابويا .. مش قادر امشي وكياس الرمل دي كلها فوق كتافي .. مش قادر .. والله العظيم مش قادر بقي.

من بعيد وخلف شجيرات العنب تقف سيارة سوداء بزجاج فيميه تراقب ما يحدث ينظر حازم للسياره تتحول نظرات حازم من حزن إلى غضب فيعدو نحو السيارة السوداء بسرعة شديدة ، عند اقترابه من السيارة يسمع حازم صوت السيارة تدار فتسرع خطوات حازم وتتحرك السيارة ببطيء الى الخلف يزيد حازم من سرعة خطواته التي تتحول الى عدو فتسرع السيارة بحركة سريعة جدا من الرجوع للخلف الى السير للأمام وتسير بأقصى سرعه الى الامام و يعدو حازم كأنه يطارد فريسه بكل ما أوتي

من قوه وراء السيارة التي تختفي وسط الأشجار. ليقف حازم لالتقاط نفسه منحنيا واضعا يديه على ركبتيه وناظرا للأرض ثم يرفع نظره للأعلى ناظرا لمكان هروب السيارة

## قطع

22

22

### ن/د - غرفة ايمان باستراحة المزرعة

ايمان تقوم بالصلاة ؛ يفتح الباب ويظهر حازم؛ يتأثر عند رؤيتها ويدها مربوطه بموضع الجرح ويعض على شفتيه نادما ؛ تنهي صلاتها .

حازم  
تقبل الله.

ايمان

منا ومنك ان شاء الله .. دول كانوا ركعتين السنه .. اتوضى وتعالى صلي الظهر وانا اصليه وراك جماعة ..  
انت محتاج تقرب من ربنا قوي على فكره.. مفيش غير كده هيطن قلبك ويريح روحك يا حازم.

حازم  
طميني انتى على ايدك ..

بابتسامة ملائكية .

ايمان  
لا ماتقلش .. فداك

حازم

انا اسف .. مش عارف عملت كده ازاي .. كان لازم اخذ بالى .. انا  
متلخبط اليومين دول خالص .. و افكارى أأ .. حتى الكلام مش عارف ارتبه.

ايمان  
لو تصلي .. هترتاح .. ص..

مقاطعا وكأنه يهرب من دعوتها له بالصلاة.

حازم

أبوكي مصمم ترجعوا القاهرة الليلة ومصمم اكون معاكم.. بيقول المكان ميقاش امان بعد  
ماتضح ان البنات دي تعرف الطريق له .. هروح اجهز شنطى واجهزي انتى كمان .  
يخرج من الغرفة بينما هى تناسف على حالة بنظرتها وتهيبتها

## قطع

### ن/خ - غرفة الجلوس بفيلا المنيل - الجزئ المخصص للقراءة/القهوه

سبرانيه بتولع و كنكة قهوه بنتحط عليها وتتلقم بن ، ثم يقرأ محمود الجرائد وهو يشرب القهوه بمزاج ..... تذيع شاشة الكمبيوتر الموصلة اعادة صباحية لبرنامج توك شو خلص براوية، وتبدا المذيعه في التحدث هاتفيا مع شخصية امنية حول حادث خطف تمارا ومحاولة إغتيال زايد فيزيح محمود الجورنال ليستمع الى الاخبار في اهتمام شديد لشخص بجواره ولكن خارج الكادر بابتسامة.

ص محمود

جوعتي ياقطه ؟ تاكلي ؟

قطع

### ن/خ - أ مام غرفة العناية المركزة - مستشفى زايد

زايد تحت جهاز التنفس الصناعي بينما الممرضه ( عبير \ شعبية \ اربعينية \ ممتلئة) تبشر حالته؛ من خلف زجاج الغرفة يظهر لنا كتف رجل يراقب الموقف .....موسيقى....عبير تنهي عملها ؛ فتخرج من غرفة العناية المركزة .....محمود الهياثمي واقفا خلف الزجاج ( رجل متغطرس ولزج للغاية ولكنه يبدو بصحة جيدة عن زايد ومازال محتفظا بنشاطه وحركته كرجل في منتصف الخمسين ). ...يعود لمراقبة زايد على فراشه الطبي وبعينيه حقد دفين ونوايا غير طيبه

قطع

### ن/د - كوريڊور بالمستشفى

عاليه بخطوات مسرعة وملامح غاضبه في الكوريڊور وخلفها تسير عبير و2 ممرضين رجال وطبيب شاب . لمن يسير خلفها

عاليه

مش انا مدية اوامر 100 مره ان البني ادم القذر ده مايعتبش المستشفى برجله .. دخل ازاي ... حد يستعجلي التيران بتوع الامن اللى نايمين على ودانهم وسابوه يدخل المستشفى .. بسرعه .

قطع



## ن/د - مكتب مدير الحسابات بمستشفى زايد الهياتمي

محمود واقفا في مواجهة امام صفوت - مدير الحسابات بالمستشفى بينما د . سيف يراقب الامر عن بعد وينظر خلفه في ترقب لوصول عاليهفي أي لحظة..... لصفوت

محمود

نعم ياخويا ؟ يعني ايه ماتقدرش .. هوه بمزاج اهلك .

صفوت

لا .. من غير غلط لو سمحت .. خالينا نحترم بعض ارجوك.

محمود

مش لما تحترم نفسك انتة الاول .. وتعرف انتة بتتكلم مع مين .. اخلص بقولك ..

وريني دفاتر الحسابات زي ما طلبت منك

صفوت

بصفتك ايه بقي ان شاء الله

سيف

الاستاذ محمود بيبقي أأ

صفوت

عارف .. بيبقي اخو الدكتور زايد ربنا يشفيهلنا .. كان الدكتور بيخليني ابعتله ظرف

باللي فيه النصيب اول كل شهر ولما دخل السجن كان بيروح له برضه على هناك

محمود

لااااا .. انتة شكلك لمض ياض انتة .. انتة مرفود

هو يرمق محمود بنظره خاصه

صفوت

برضه ترفدني بصفتك ايه .. انتة بالنسبه لي هوا .. انتة جاي تورث اخوك ع الحيا .. هي الدنيا

اتقل خيرها ولا ايه .. دكتور زايد لسه عايش وربنا يطول عمره .. وحتى لو انتة وريته .. مال ده

ومال ادارة المستشفى ومراجعة الحسابات ورفد الموظفين ولا ترفيتهم المستشفى لها مجلس ادارة

والدكتور عاليه هي العضو المنتدب ..

محمود

هي العضو المنتدب؟ .. امال انا اطلع ايه .. شغلتي ع المركب بورررم

صفوت

انتة ولا حاجه .. قولتلك انتة هوااا كده معدي قدامي .. وهوا ريحته وحشه كمان ..

وهو يمस्क بتلابيبه ويعتدي عليه بالضرب فتتمزق ملابس صفوت .

محمود

لاااا .. انتة زودتها خالص .. وعينتك مش بتيجي بادب ولاد الناس اللي زي حالاتي ..

يبقي لازم اوريك الوش الثاني بتاع اولاد الشوارع .. انا صايع قوي يالا علي فكره انا هوريك بقي

الهوا لما يحب يلطش حد .. تعالالى هنا.. تعالى

سيف يشاهد عاليهقادمة من بعيد وخلفها يسير البودي جاردز.. فيتدخل للامساك بمحمود وتتغير لهجة حوار

سيف

مش كده بقي يااستاذ محمود .. انتة زودتها قوي ياخي .. الله .. الله

من بعيد .. زاعقة

عاليه

بتهيب ايه هنا يا محمود ؟

يمد يده لمصافحتها .. ساخرا بغيرسه

محمود

عاليه.. يا حبيبيتي .. قلبي عندك يابنت اخويا يا عاليه

فلا تعيره انتباها

عاليه

هوہ أنتہ مكفتكش الفضايح اللي جتلہ من تحت راسك في حياته .

محمود

لالا لا يا عاليه.. كده عيب .. عيب قوي على فكرة .. مش قدام الموظفين

عاليه

هوہ انتہ تعرف عيب ولا حرام .. انا بقي هعمل معاك اللي ابويا انكسف العمر كله يعملہ معاك ..  
البوليس في الطريق وهخلي الاستاذ صفوت مدير الحسابات اللي انتہ بهدلته ده يعملك  
قضية بواقعة التعدي عليه .. وانا هعملك قضية نصب

محمود

لا بقي .. هوہ ايه الجو ده .. هوہ خدوهم بالصوت لا يغلبوكم ولا ايه ؟ .. بصى يابت .. ابوكى  
فاضله ساعلت ويقابل وجه ربه الكريم .. والمستشفي دي انا وريث فيها زي زيك .. فمش هسيبك  
تسلمهالى ع الحديده وهي مفلسه ..

بطريقه لزجه يفتح فمه ليريها اسنانه ويمكن ان تصبح هذه الحركه لازمه له كلما ذكر تلك اللزمه الحواريه

محمود

انا مقلع ضروري من كتر الهم اللي ورد عليا من عينتك انتي والاضيش بتوعك دول .. حتى شوفي شوفي  
وهو يحاول استفزازها بحركات يديه ولكنها تبقي محافظة علي ثباتها الانفعالي لآخر لحظة

محمود

مش هتيجي عليه مفعوصه زيك تكلبشني بصوتها العالي انا مش منقول من مكاني لحد ما اتابع كل كبيرة  
وصغيرة في المستشفى دي .. واخذ حقي

والشر يتطاير من عينيها وقد انفجرت غضبا

عاليه

حالا ايه ؟ حقك ؟

هامسا له وهو يدفعه برفق

سيف

اجري دلوقت ... اجري اجري

للبودي جاردز

عاليه

اتحفظوا عليه لحد ما البوليس يجي وهاتولى كارتونه ادويه من المخازن .. عشان البسه قضية سرقة كمان  
محمود يعدو بينما يلاحقه البودي جاردز

محمود

راجع لك برضه يا عاليه.. هتروحي مني فين .. مش هسيبك تتنهني كده لوحذك وتشيلي الجمل بما حمل  
رد فعل غاضب على وجه عاليه يتحول لحزن تحاول اخفاه عن حولها.

قطع

### ن/د - أمام غرفة العناية المركزة بمستشفى الهياتمي

عاليه واقفه خلف زجاج غرفة العناية المركزة التي يرقد بداخلها زايد فتشاهده وهو مازال في غيبوبته على جهاز التنفس الصناع لنفسها وهي تبكي

عاليه v.o

محتاجك قوي يابابا .. اول مره تسييني كده .. اول مره استتي نصيحتك تقولى اعمل ايه  
فملكش جنبني .. قوم بقى يابابا

### قطع

### ن/د - عيادة طبيب مخ و أعصاب

مع د . جاويش ( طبيب /خمسيني /شخصيه مرحه ولها كاريزما ) حازم جالسا جلسة غير تقليدية بين طبيب ومريض بل تشعر انها جلسه بين اثنان من الاصدقاء .

حازم

انا فاكرك حاجات كثير جداا من الماضي .. لكن الحاجات اللي انا ناسيها.. بحس انها خلاص بتيجي  
لحد باب مخي وترجع تهرب تاني وكأن فيه حاجه من جوايا انا منعاني افكرها

بيتسم ابتسامه واثقه ثم يستطرد

د. جاويش

ده تفسيره الطبي ببساطه شديده ... انه حصلك فقد جزئي في الذاكرة .. مخك بقي فيه باتا

حازم

باتا؟! هوه معروف عني اني مخي جزمة قديمه اصلا .. بس مش لدرجه باتا يعني

د جاويش

هههههه هایل .. قدرتك ع اقتناص الافيه تدل علي حالتك المزاجيه الممتازة اللي هاتسهل عليناأموريه العلاج

ياحازم

حازم

لا بجد يادكتور ايه موضوع باتا اللي في مخي ده

د جاويش

باتا يعني اختصار للمصطلح الطبي Post-traumatic Amnesia

حازم

يعني فقد جزئي للذاكرة

د جاويش

يعني بالبلدي كده اضطراب في الذاكره .. والفقد الجزئي معروف ان الامل في علاجه كبير .. وكم ان التقدم في

علاجه سريع جدا

حازم

وده طبعا نتيجة الحادثه اللي حصلت

د جاويش

احد اشهر اسباب الفقد الجزئي للذاكرة هي اصابات الرأس خصوصا منطقة مؤخرة الرأس

حازم

يعني زي ملحلي بالظبط

د جاویش

فقد ذاكره جزئي تراجعى .. يعني مش فاكى بعض الحاجات اللي حصلت لك قبل الحادثه فيه سبب نادر جدا من اسباب فقد الذاكره الجزئى هو السبب النفسى . او لو مش هانتخض من الاسم .. اسمه الهستيريا الانشقاقيه .. انتة فقدت الذاكره جزئيا مش نتيجته اصابه دماغك في الحادث .. انتة فقدتها نتيجته الصدمه النفسيه اللي اتعرضت لها في الحادث

حازم

صدمه نفسيه ؟

د جاویش

انتة اتعرضت لصدمه نفسيه عنيفه اثناء الحادث نفسه.. الشخص اللي رماك من الشباك ده وانتة مش قادر حاليا تفكره لا اسما ولا شكلا .. حتما اسمه او شخصيته سببت لك الم نفسي قد جبل كده مثلا .. فعقلك مقدرش لحظتها ع الصدمه دي وانهار فورا جزء من ذاكرتك .. وعشان كده عقلك الباطن رافض يخليك تستعيد اسم الشخص ده او تفكر شكله لانه خايف انه يتعرض بسبب كده لنفس الالم تاني .. فهمت ؟

حازم

فاهم .. بس فيه حاجات تانيه انا مش فاكىها مالهش علاقه بالحادثه

د جاویش

كل ده مؤقت وهاتستعيده بالتدريج لكن فيما يخص الشخص ده مش هايكون الامر سهل ابدأ ولازم يكون بالتدريج .. وبالعلاج النفسى مش بالعقاقير .. بيقى ماتستعجلش

حازم

انتة مش فاهم يادكتور جاویش .. انا مش مستعجل ده يمكن لو فضلت ناسي اللي فات يكون احسن .. حد تجيله الفرصه يتولد من جديد ويرفض؟

د جاویش

امال ايه ؟

حازم

الى حكيت لك عنه وانتة لسه قايله .. الى ياريتي اقدر انساه كله وارتاح .. يا افكره كله وافهم .. عاوز اجابة للسؤال

د جاویش

ممممم مين الى رماك من الشباك ؟ مين الشخص المجهول ؟

حازم

قصدك مين الى كان عاوز يقتلني

د جاویش

تفاصيل المشهد ده بتوصلك ضبابية .. صح .. يعني مش ناسي المشهد كله بتاع الحادث لكن ناسي اجزاء منه

حازم

اها .. هي ضبابية دي .. شبوره يادكتور .. شبوره

د جاویش

وتفاصيل المشهد بتفكرها بدون ترتيب منطقي .. يعني متلخبطة كأنها مضروبه في خلط

واقفا وهو يجول بالعرفة

حازم

هو ده يادكتور .. كانه حلم مزعج .. كايووس .. لاعاوز يخلص ولا عارف افوق منه

د جاویش

بس كونك تفكر الشخص المجهول اللي حاول يقتلك او حتى تفكر البنت اللي كانت معاك ده مش  
هياثر في تقدم علاجك ورجوع ذاكرتك ولا حاجه

بعصبية

حازم

تاني انتة .. يادكتور افهمني ارجوك .. انا مش عاوز ذاكرتي .. تغور في ستين داهيه .. انا عاوز حياتي  
د جاويش

طب اهدي ووضح اكثر

حازم

اللي حاول يقتلني ده .. ممكن يحاول تاني بعد ما فشل اولاني .. انا بقيت بشك في كل الناس .. مش  
عارف اعامل حد ولا اطمئن لحد .. ابويا واختي .. وحتى انتة مش بره دايرة شكوكي .. بنام ومسيسي

في ايدي .. مش هستحمل كتير اعيش في القلق ده ..

يخرج مسدسه من جيبه و يصوبه نحو فمه ويضغط علي الزناد

قطع

نهاية حلقة 2